

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

X. Bonifacius abstinuit à nomine Legati donec eam dignitatem rursum accepit a Stephano, ut colligitur ex duabus illius epistolis. Martyrium pro Christo deinde subiit in Frisia.

urn:nbn:de:hbz:466:1-15617

& Imperij Lib. V. Cap. XLIV. 127

rio suæ legationis, putavit vir sanctus omni studio conandum esse ut ea sibi continuaretur à Stephano Papa.

X. Cessisse Bonifacium monitis Papæ Stephani & à nomine Legati abstinuisse docneam dignitatem rursum accepit à Stephano colligitur ex titulo istius epistolæ. Nam cùm in plurimis epistolis confuevisset se vocare Legatum Germanicum sedis apostolica & Romanæ Ecclesie, etiam ad Zachariam scribens, heic abstinet ab illo nomine, discipulum tantum se dicens Ecclesie Romanæ. *Domino excellentissimo*, inquit, & pre ceteris Pontificibus preferendo & amando, & apostolatus privilegio predito, Stephano Pape, Bonifacius exiguus Episcopus, discipulus Romane Ecclesie, optabilem in Christo caritatis salutem. At postea quām mitigatus Stephanus imperium ei continuavit, tum verò ad eum scribens Legatum se rursum Germanicum nuncupavit. *Venerando ac diligendo Domino*, inquit, *apostolatus privilegio predio*, Stephano Pape, Bonifacius exiguus Legatus vel Missus Germanicus catholice & apostolice Romane Ecclesie, optabilem in Christo caritatis salutem. Fuit ergo Romana Ecclesia Legatus etiam sub Stephano secundo, id est, usque ad finem vitæ. Nam non ita multò post occisus est à paganis, cùm verbum Dei prædicaret in Frisia.

C A P V T X L I V .

Synopsis.

I. *Hactenus antiquitas.* Aperit se deinceps nova rerum facies. Quod ut melius intelligatur, meunda primam est velut ana cephalosis quedam eorum que dicenda sunt. Post Karoli M. & Nicolai I. tempora major fuit Legatorum antiquitas quam vetustis temporibus.

II. Olim Legatorum in provincias adventus ne minimo quidem sumptu erat provincialibus. Procurations deinde Legatorum introducta sunt, quarum occasione Legati ad summas opes pervenirent. Tandem prorsus abolita sunt.

III. Fuere tamen nonnulli Legati qui castè provincias administrarunt. Sed ipse pauci numero fuere.

IV. Invit Legatorum fortunam timor ex potestate eorum, que maxima erat. Ista quidem feliciter ut plurimum cessit. Fuere tamen ea temporum vici studines ut interdum Romanos Pontifices poniuerit quod nimis amplius potestatem tribuissent Legatis.

V. Inde paulatim abolitus usus frequentium legationum, cum etiam ob contradictionem Principum & Episcoporum. Melius enim ac consiliosum vijum est abstinerre a mittendis Legatis quam eos exponere tot procellis ac tempestibus.

VI. Nullus post Bonifaci obitum Legatus fuit in Gallia & Germania usque ad Karoli Calvi tempora. Probatur ex Hinckaro, qui putabat Metropolinarum ac reliquerum Episcoporum jura convelli cùm

legatio sedis apostolica cuiquam tribuebatur cum jurisdictione.

VII. Drogo Episcopus Metensis, olim sacri Palati Archicancellarius sub Ludovico Pio, vicariatum apostolica sedis per Gallias obtinet à Sergio secundo. Explicanur capita auctoritatis illi concessæ.

VIII. Passus est contradictionem ab Episcopis Gallicanis, & conatus ejus frustra fuit.

IX. Venerant postea legationes sedis apostolica in consuetudinem. Legati Nicolai I. pecunia corrupti, immensis datus opibus Roman regresi sunt.

X. Arsenius Hortensis Episcopus in Galliam mitteturcum amplissima potestate. Hunc Adventus Episcopus Metensis laudat quod manus suas excusserit ab omnimunere.

XI. Autem tamen annualium Fuldensum docet illum magnificis munieribus honoratum fuisse a Ludovico Rege Germania & a Karolo Calvo fratre ejus. Quod evertore videatur testimonium Adventi. Nisi si discordem constituantur inter munera Principum & privatorum hominum.

I. **H**ACTENUS antiquitas. Nunc se nobis nova rerum facies offeret, cùm post explicatam & assertam in animis gentium ac nationum Romani nominis protestatum, cuncta per Legatos actitata sunt, qui pro suæ voluntatis arbitrio & ædificabant & destruebant quæ vel ædificanda vel destruenda esse videbantur. Sed antè quām immensum illum vastumque ultimorum temporum campum ingrediamur, opera pretium est inire in antecessum velut anacephalæosin quandam eorum quæ nobis incumbunt dicenda, quibus imbuti lectorum animi, paratores ad hanc materiam descendant, & hac facilissima methodo velut manu ducantur ad cognitionem rerum haudquam contemnendarum. Primum ergo adnotandum est, tamenetsi magna olim fuerit Legatorum apostolice sedis auctoritas, non adeo tamen effusam fuisse ac liberam ut fuit post Karoli Magni tempora, cùm ad Nicolaum primum ventum est.

II. Deinde sciendum, Legatorum in provincias adventum ne minimo quidem sumptui olim fuisse provincialibus, ultimis vero temporibus latam esse legem, qua cautum est ut Legatis suppeditarentur sumptus, non solum necessarij, sed etiam liberales, ab iis ad quos mittebantur. Ea penitatio, quæ procuratio dicebatur, modica in initio fuit, deinde ita vitio humanæ mentis excrevit, ut & provinciae exahirentur, & sumptus effunderentur cum probro atque dedecore, ob fastum & pompam Legatorum. Quin & interdum Romani Pontifices, ut caris suis gratificarentur, occasionemque darent opum brevi compendio parandarum, legatione illos sua ornabant, sique instructos ad provincias mittebant opulentas & ad obsequium inclinatas. Quo fiebat ut qui pau-